

# Մ աշտոցի Ա րձագանգ

Հայաստանեայց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ  
WWW.SOURPHAGOP.ORG-ը 10 տարեկան

## Այս թիւով.....

Փետրուար ամսուան բացատրական  
տօնացոյց: Էջ 2-4

Տեառնընդառաջ  
Ի՞նչ կը տօնենք Փետրուար 14-ին  
Սուրբ Սարգիս Զօրավար  
Աղօթք Սուրբ Սարգիսին  
Առաջաւորաց Պահք

Կարճ Լուրեր Կիրակնօրեայէն  
Այցելութիւն՝ Oratoire Saint-Joseph-ի  
թանգարանը Էջ 4

Բացատրութիւն՝ Հայց. Առաք. Եկեղեցւոյ  
Ս. Պատարագին Էջ 5-7  
Գ. Բուն Պատարագ

Համացանցէն քաղուած Էջ 8

Եզակի Գիրեր Էջ 9

Պալատականին Որդիին Բժշկութիւնը  
Էջ 10

Հաւատքի Աստիճաններ Էջ 11

Յիսուս եւ Նիկողեմոս Էջ 12

Ո՞րն է ճիշդ պատասխանը Էջ 13-16

Փետրուար 2011 (ԺԸ տարի թիւ 6)



## Տ.....Տեառնընդառաջ

Խաչքարի հեղինակ՝  
Ժողովրդական վարպետ,  
ՌՈՒԲԵՆ ՆԱԼԲԱՆԴՅԱՆ

### Ամսուան Համարը

«.....որովհետեւ աչքերովս տեսայ Փրկիչը,  
որ դրկեցիր բոլոր ժողովուրդներուն, որպէս  
լոյս հեթանոսները լուսաւորելու...»:

Ղուկաս 2.30-31

## Փետրուար ամսուան բացատրական տօնացոյց

Շրթ. 5	Յիշատակ՝ Սուրբ Գրիգոր Լուսաւորչի որդիներուն եւ թոռներուն
Եշ. 8	Յիշատակ 12 մարգարէներուն. Ովսէա, Ամոս, Միքա, Յովէլ, Աբդիա, Նաոււմ, Ամբակում, Յոգան, Սոփոնիա, Անգէ, Զաքարիա, Մաղաքիա
Շրթ. 12	Սբ. Թադէոս Առաքեալի եւ Սանդուխտ կոյսի
Բշ. 14	Տեառնընդառաջ, Ա. օր Առաջաւորաց պահքի
Շրթ. 19	Սբ. Սարգիս Զօրավար, Որդին Մարտիրոս եւ 14 զինուորներ
Բշ. 21	Սբ. Ատովմաց Զօրավարացն
Գշ. 22	Սբ. Սուքիասեանց Վկայիցն
Եշ. 24	Սբ. Ոսկեանց Քահանայիցն
Շրթ. 26	Սբ. Սահակ Պարթեւ

### Գիտէի՞ր թէ .....

Տեառնընդառաջի մասին կարելի է կարդալ միայն Ղուկասի աւետարանին մէջ: Մատթէոս, Մարկոս եւ Յովհաննէս Սուրբ աւետարանիչները չեն ակնարկած Յիսուսի կեանքի այս դէպքին:

### ՏԵԱՌՆԸՆԴԱՌԱՋ Ը

Հայաստանեայց Եկեղեցոյ տէրունի տօներէն մէկն է: Ան յիշատակնէ այն օրուան երբ 40 օրուայ մանուկ Յիսուսը բերուեցաւ տաճար ու ընծայուեցաւ Աստուծոյ: Տեառնընդառաջը անշարժ տօն մըն է, եւ ամէն տարի կը տօնենք Սուրբ Ծնունդէն 40 օրեր ետք, Փետրուար 14-ին: Տեառնընդառաջի օրը, եկեղեցիէն ներս պատարագ կը մատուցուի, Եկեղեցիին 4 անկիւնները կը կարդացուին աւետարանի համապատասխանող հատուածներ: Կը յիշատակուին նաեւ ծերունի Սիմոնն ու Աննա մարգարէուհին, որոնք Յիսուսի տաճար ընծայման ներկայ գտնուեցան:

### Ի՞նչ կը տօնենք

### Փետրուար 14-ին

Երբ մեր շուրջը St. Valentine կը տօնուի, մենք պէտք է յիշենք թէ Հայ Եկեղեցին այդ օրը Տեառնընդառաջ կը տօնէ: Տեառնընդառաջը, 40 օրուայ Յիսուս Մանուկին տաճար տարուելու եւ Աստուծոյ նուիրուելու օրն է: Նախորդող զիշերը, 13-ին, եկեղեցոյ մէջ արարողութիւն տեղի կ'ունենայ, կրակ կը վառեն եկեղեցոյ բակին մէջ ու հաւատացեալներ իրենց մոմերը վառելով տուն կը տանին:



# Յիշատակութիւն՝ Սուրբ Սարգիս Զօրավարի Փետրուար 19



Վարդանանցէն 12 օրեր առաջ եղող Շաբաթ օրը, Հայ եկեղեցին նուիրած է Ս. Սարգիս Զօրավարի յիշատակին: Ս. Սարգիս, Կապադոկիոյ Գամիրք գաւառէն էր. քաջ ու առաքինի զինուորական մը, որ զօրապետի աստիճանին հասաւ: Համարձակութեամբ կը քարոզէր Աւետարանը եւ կը կործանէր բագիները: Երբ Յուլիանոս կայսրը, որ քրիստոնէութիւնը

եւս կը յիշատակուի Սուրբ Սարգիսի եւ անոր Մարտիրոս գաւակին յիշատակին հետ, ամէն տարի:

## Գիտէի՞ր թէ .....

Ս. Սարգիսի տօնը Հայաստանի մէջ ընդունուած է նշել ոչ միայն եկեղեցական ծիսակատարութեամբ, այլեւ ժողովրդական սովորութիւններով:

Ս. Սարգիս Զօրավարը երիտասարդներու արագահաս բարեխօսն է եւ սիրոյ երազանքը իրականացնող սուրբը: Ըստ աւանդութեան, Ս. Սարգիս պէտք է հրեշտակներու ուղեկցութեամբ անցնի եւ տանիքին վրայ դրուած ալիւրին մէջ ձգէ իր սպիտակ ձիուն պայտին հետքը որպէսզի այդ տարի իրականանայ հաւատացեալի երազանքը:

ուրացած էր, գահ բարձրացաւ, Սարգիս, իր Մարտիրոս որդիին հետ Հայաստան ապաստանեցաւ Տիրան թագաւորի մօտ եւ ժամանակ մը հոն մնալէ ետք անցաւ Պարսկաստան, պարսից Շապուհ թագաւորին մօտ ծառայելով զինուորական ասպարէզին մէջ:

Մեծ եղաւ իր որդիին՝ Մարտիրոսին ազդեցութիւնը իր հսկողութեան ներքեւ գտնուող պարսիկ զօրքին վրայ. անոնց մէջէն քրիստոնէութեան դարձողներ եղան:

Այս պարագան հետզհետէ ուշագրաւ դառնալով, Սարգիս եւ իր գաւակը արքայական հրաւեր ստացան զոհ մատուցանելու արքունի մեհեանին մէջ: Սակայն, Սարգիս նոյնիսկ քաջութիւնը ունեցաւ անարգելու կուռքերը: Առ ի հետեւանք իրենց յանդուգն կեցուածքին՝ զօրավարն ու իր որդին մահուան դատապարտուեցան:

Իր պարսիկ զինուորներէն տասնըչորս (14) անձեր որոնք մինչեւ վերջ հաւատարիմ մնացեր էին իրեն, առին Սարգիսի մարմինը եւ մաքուր զգեստներով պատեցին:

Բայց թագաւորին հրամանով իրենք եւս զլիսատուեցան ու իրենց նահատակութիւնը

## Աղօթք Սուրբ Սարգիսին

Բարձրեալէն գերագոյն պատիւ ստացար Քրիստոսի քով բարեխօսելու համար եւ դարձար մեր խնդրանքները կատարող, աղօթքները լսող, սատանաները հալածող, ով արագահաս Սուրբդ Սարգիս:

Ցաւերով լեցուն մարդկային կեանքին զօրեղ բժիշկ. արտասուքը սրբող, նեղութեան մէջ ինկածներու վիշտերը դիւրութեամբ մեղմացնող, գերիները ազատող, ով արագահաս Սուրբդ Սարգիս:

Դուն որ ամէն տեղ կը յիշուիս ու կը փառաբանուիս, որովհետեւ գեղեցիկ եւ բարի անուն ես, հաւատացեալներուն շուրթերուն համար քաղցրահամ պտուղ: Գիշեր ու ցերեկ յոյսով քեզ կը կանչենք, արագահաս Սուրբդ Սարգիս, բարեխօս եղիք, Քրիստոսի քով, մեր անձերուն համար:

## Առաջաւորաց Պահք

Այս պահքը սահմանուած է Ս. Գրիգոր լուսաւորչի կողմէ եւ յատուկ է միայն Հայ եկեղեցոյ: Կը սկսի Մեծ պահքէն երեք (3) շաբաթ առաջ եւ հին ժամանակ արտօնուած էր ուտել միայն աղ ու հաց: Այդ օրերուն արտօնուած չէր Պատարագ մատուցել, եկեղեցոյ մէջ ընթերցել Սուրբ Գիրք կամ Աւետարան:

Տարբեր մեկնութիւններու համաձայն, այս պահքը «Առաջաւորաց» է կոչուեր, իբրեւ ազդարար Մեծ պահքի կամ, իբրեւ Հայոց պահք՝ նշանակելու Հայաստանի հոգեւոր լուսաւորութիւնը:

Առաջաւորաց պահքի 5-րդ օրը (Ուրբաթ) կը յիշատակենք Յովնան մարգարէի քարոզութիւնն ու Նինուէ քաղաքի ապաշխարութիւնը, բայց ոչ իբրեւ Յովնան մարգարէի տօն, այլ իբր մեծ ապաշխարութեան ու ծոմապահութեան օրինակ:

Առաջաւորաց պահքի խորհուրդը աղամական մեղքէն մարդկային 5 զգայարանքներու սրբումն է: Հին եկեղեցոյ մէջ նաեւ սովորութիւն կար որ չափահասները մկրտութենէն առաջ 5 օր ծոմ պահեն: Նոյնպէս Ս. Գրիգոր Լուսաւորիչ սահմանեց որ Տրդատ թագաւոր եւ իր պալատականները 5 օր ծոմ պահեն իրենց մկրտութենէն առաջ, որու շնորհիւ փրկուեցան իրենց այսահարութենէն:

Միջնադարուն, առաջաւորաց պահքը դիւրիմացաբար անուանուեր է Ս. Սարգիսի պահք՝ որովհետեւ Հայ եկեղեցին առաջաւորաց պահքին յաջորդող շաբաթ օրը կը տօնէ Ս. Սարգիսի տօնը:

Հայ մատենագիրներու վկայութեամբ, Առաջաւորաց պահքը գոյութիւն ունեցեր է նաեւ յոյներու ու լատիններու մօտ:


## Կարճ Լուրեր Կիրակնօրեայէն

Կիրակի՝ 9 Յունուար 2011-ին Կիրակնօրեայ Դպրոցը, մասնակցութեամբ կարգ մը ծնողներու, այցելեցին Oratoire Saint-Joseph-ի թանգարանը, ուր կը ցուցադրուին նաեւ տարբեր երկիրներու մսուրները:



**Բացատրություն` Հայց. Առաք. Եկեղեցւոյ Սուրբ Պատարագին «շար. 4»**

Կը շարունակենք ներկայացնել Բերիոյ թեմի տարիներու Բարեջան Առաջնորդ, եւ մեր Ս. Յակոբ Եկեղեցւոյ այժմու Հոգեւոր Տեսուչ Գերշ. Տ. Սուրբն Ս. Արք. Գաթարոյեանի «Բացատրություն Ս. Պատարագ»ի բաժինը 1998ի Հալէպի մէջ հրատարակուած Ս. Պատարագ Հայց. Առք. Եկեղեցւոյ գրքոյկէն:



**Ս. Պատարագի արարողութեան 4 մասերը.**

Ինչպէս անցեալ անգամ նշեցինք, Հայաստանեայց Եկեղեցւոյ Ս. Պատարագի արարողութիւնը 4 մասերէ կը բաղկանայ.

1. Պատրաստութիւն
2. Ճաշու Պաշտօն
3. Բուն Պատարագ
4. Արձակում

Անցեալ թիւով ներկայացուցինք «Ճաշու Պաշտօն»ը, իսկ այս թիւով պիտի ներկայացնենք «Բուն Պատարագ»ը:

**3. ԲՈՒՆ ՊԱՏԱՐԱԳ կամ ՀԱԻԱՏԱՑԵԱԼՆԵՐՈՒ ՊԱՏԱՐԱԳ**

Սարկաւազը խորանէն բարձրաձայն կը յայտարարէ.

«Ո՛չ մէկ երախայ (չմկրտուած), ո՛չ մէկ թերահաւատ, ո՛չ մէկ ապաշխարութեան մէջ գտնուող եւ ոչ մէկ հոգիով ինքզինք մեղաւոր զգացող թող մօտենայ աստուածային խորհուրդին: Հաւատացեալները պատրաստ են ԲՈՒՆ ՊԱՏԱՐԱԳին:

Խորախորհուրդ պահին է, որ կը սկսի, դպիրներ երկիրաձուրթեամբ կ'ոգեկոչեն փրկագործ խորհուրդին ծաղկումը, կը բացայայտեն, թէ ինչպիսի վեհ եւ նուիրական խորհուրդ մըն է, որ պիտի սկսի, եւ որ պիտի սրբագործէ եկեղեցի դարձած ողջ հաւատացեալներուն համախմբումը, եւ կ'երգեն անոնք, «Մարմին Տէրունական.....»:

Ողջոյն տուողը կ'ըսէ.  
 - «Քրիստոս ի մէջ մեր յայտնեցաւ»:  
 Ողջոյն ստացողը կը պատասխանէ.  
 - «Օրհնեալ է յայտնութիւնը Քրիստոսի»:

Երախայ = չմկրտուած



«Տերունական մարմինը փրկչական արինը մեր դիմացն է: Երկնային աներեւոյթ զօրութիւններ կ'երգեն եւ անդադրում բառերով կ'ըսեն՝ սուրբ, սուրբ, սուրբ Տէր զօրութիւններու»:

Աւագ սարկաւազը բուրվառակիրի ընկերակցութեամբ երկիւղածութեամբ կը մօտենայ խորհրդարանին՝ կատարելու համար վերաբերումը. բայց նախ դպիրներուն ուղղելով իր խօսքը՝ կ'ըսէ.

*«Ո՛վ դպիրներ, սաղմոս ըսէք եւ քաղցրաձայն հոգեւոր երգեր երգեցէք, մեր Տիրոջ՝ Աստուծոյ.»:*

Եւ դպիրները կը սկսին երգել յաւուր պատշաճի «ՄՐԲԱՍԱՑՈՒԹԻՒՆ»ը:

**ՄՐԲԱՍԱՑՈՒԹԻՒՆ**

Աւագ սարկաւազը խնկարկելէ ետք, հանդիսաւորութեամբ կ'աննէ Ս. Սկիհը եւ խորանին ետեւէն դառնալով կը բերէ ու կը յանձնէ զայն Պատարագիչ քահանային ըսելով.

*«Ո՛վ իշխաններ, բացէ՛ք ձեր դռները, թող բացուին յաւիտենականութեան դռները, որպէսզի ներս մտնէ մեծափառ թագաւորը»:*

Քրիստոս որպէս երկնային թագաւոր եւ յաւիտենական Քահանայ կու գայ փառաւորապէս բազմելու Ս. Սեղանին վրայ: Կու գայ վերստին իր ուխտը կնքելու, երկինք եւ երկիր կամրջելու, կու գայ դարձեալ եւ միշտ պատարագուելու եւ մարդոց մեղքերու փրկութեան համար տալու իր Մարմինն ու Արինը:

Ս. Պատարագի ընծաները՝ ՆՇԽԱՐՆ ու ԳԻՆԻՆ Ս. Սեղանին վրայ են. պատարագիչ քահանան, որպէս մաքրութեան նշան, դարձեալ ձեռքերը կը լուայ, որովհետեւ իր մատները պիտի հային Փրկչական Մարմնոյն եւ Արեան:

Ժողովուրդը եւս իր հոգին պէտք է ցօղուէ, որպէսզի պայծառ մտքով եւ հաւատքով, մաքուր սրտով, սրբութեամբ եւ երկիւղով ընկալէ խորհուրդը, սարկաւազը խորանէն հետեւեալ դաստիարակիչ թելադրութիւնները ժողովուրդին կ'ուղղէ.

*«Հաւատքով, սրբութեամբ եւ ահով կանգնինք Աստուծոյ Սուրբ Սեղանին առջեւ: Կանգնինք առանց տարակուսանքի եւ գայթակղութեան, առանց նենգութեան եւ խորամանկութեան, առանց հիասթափութեան եւ խաբէութեան, առանց երկմտութեան եւ թերահաւատութեան, այլ ուղիղ վարմունքով, պայծառ մտքով, անխարդախ սրտով, կատարեալ հաւատքով, սիրով լեցուած, ամէն տեսակի բարեգործութիւններով ճիսացած, աղօթքի կանգնինք Աստուծոյ Սուրբ Սեղանին առջեւ, որպէսզի մեր Փրկչին՝ Յիսուս Քրիստոսի յայտնութեան եւ երկրորդ գալստեան օրը արժանանանք անոր ողորմութեան շնորհներուն»:*

Աստուածային սիրոյ ճառագայթումին ներքեւ՝ հաւատացեալները կ'ըմբռնուին

Սուրբ Պատարագի ընթացքին, ուր պատուէր կայ ծնրադրելու, պատշաճ է ծնրադրել, սակայն եթէ որեւէ ֆիզիքական պատճառ կայ չծնրադրելու, յարմար է ոտքի կանգնիլ՝ յարգալից եւ գլուխը խոնարհած:

Աստուածորդոյն լոյս ներկայութիւնը. Քրիստոս է՝ որ կը յայտնուի. սուրբ սեղանէն Քրիստոսի Մէհր տակաւ կը տարածուի եկեղեցւոյ մէջ եւ կը համակէ ողջ հաւատացեալ ժողովուրդը:

*«Ողջոյն տուք միմեանց ի համբոյր սրբութեան...»*

*«Զիրար ողջունեցէք սուրբ համբոյրով, եւ անոնք որոնք պատրաստ չեն հաղորդուելու Աստուածային խորհուրդով, թող դուրս ելլեն եկեղեցիէն եւ գաւիթին մէջ աղօթեն»:*

Մարկաւագրը, Պատարագիչ քահանային ողջոյնը ստանալով, վար կ'իջնէ եւ զայն կը փոխանցէ Աւագերեցիին, ըսելով.

*«Քրիստոս ի մէջ մեր յայտնեցաւ»,* այսինքն՝ Քրիստոս մեր մէջ յայտնուեցաւ: Իսկ ստացող եկեղեցականը կը պատասխանէ.

*«Օրհնեալ է յայտնութիւնն Քրիստոսի»:* Այսինքն՝ Օրհնեալ՝ թող ըլլայ Քրիստոսի յայտնութիւնը:

Այսպէս ամէն մէկ հաւատացեալ, որ կը ստանայ ողջոյնը, պարտի զայն փոխանցել կողքին կեցող հաւատացեալին, միշտ կրկնելով ողջոյնի ստացման եւ փոխանակման վկայախօսութիւնը:

*«Քրիստոս մեր մէջ յայտնուեցաւ, նոյն ինքն Աստուած եկեղեցւոյ մէջ բազմեցաւ:*

*Խաղաղութեան ձայնը հնչեց եւ Աստուծոյ ողջոյնը տարածեց:*

*Եկեղեցին մէկ անձ եղաւ, համբոյրը որպէս միութեան խորհրդանիշ դարձաւ:*

*Թշնամութիւնը հեռացաւ, ընդհանուրին վրայ սերը սփռուեցաւ:*

*Արդ, ո՛վ պաշտօնեաներ, ձեր ձայները բարձրացնելով՝ միաբերան օրհներգեցէք միասնական Աստուածութիւնը, որուն սերովբէներն են որ կը սրբաբանեն»:*



Oratoire Saint-Joseph-ի թանգարանը, Կիրակի՝ 9 Յունուար 2011

## Համացանցէն Քաղուած Ոտնահետքեր

Մարդ մը խոր քունի մէջ երազ սկսաւ տեսնել:

Ան տեսաւ որ աւագոտ ծովեզերքին վրայ կը քալէր Յիսուսի հետ, իսկ երկինքին մէջ կը տողանցէին իր կեանքի տարբեր հանգրուաններու նկարները: Բոլոր նկարներուն մէջ ան կը տեսնէր չորս ոտնահետքեր, երկուքը իրը իսկ միւս երկուքը Յիսուսին:

Երկար դիտելէ ետք, յանկարծ անդրադառնալով որ իր կեանքի ամենադժուար օրերուն միայն երկու ոտնահետքեր կ'երեւէին աւագին վրայ: Նեղուած, ջղայնացած ու վրդոված Յիսուսի ըսաւ՝ Տէր, դուն չըսի՞ր որ եթէ քեզի հետեւիմ, Դուն ինձի բնաւ առանձին պիտի չձգես, հապա ինչո՞ւ իմ ամենադժուար օրերուս հետս չես եղած:

Յիսուս այսպէս պատասխանեց «Ես քեզ չափազանց կը սիրեմ. Քու այդ դժուար ու տառապելի օրերուդ, քեզ իմ ձեռքերուս մէջ գրկած կը քալէի...»:

=====

Խրատներ՝	* Խօսելէ առաջ	- Մտիկ ըրէ՛
	* Գրելէ առաջ	- Մտածէ՛
	* Ծախսելէ առաջ	- Շահի՛ր
	* Աղօթելէ առաջ	- Ներէ՛
	* Նեղացնելէ առաջ	- Զգա՛
	* Ատելէ առաջ	- Սիրէ՛
	* Լքելէ առաջ	- Փորձէ՛

Քշած ատենդ՝





## Ո՞րն է ճիշդ պատասխանը Յունուար ամսուան պատասխանները

Մանկապարտեզի անկիւն

Հրահանգը, աստղը, առաջնորդեց,  
երկրպագեցին, ոսկի, կնդրուկ, զմուռս,  
երագի

մեր 9. ա. 325 բ. Նիկիա 10. գ. Ղուկաս

Երկրորդականի անկիւն

1. ա. Յունուար 6 2. բ. 451 Քաղկեդոնի  
ժողովին 3. Ս. Վահան Գողթնացի  
4. ա. Աստուածայայտնութիւն, բ.  
Անուանակոչութիւն, գ. Յովհաննու  
Կարապետ, դ. Ս. Սարգիս, ե. Ղեւոնդեանց,  
զ. Վարդանանց, է. Բուն Բարեկենդան  
5. ա. Ս. Ծնունդ բ. Ս. Զատիկ գ.  
Պայծառակերպութիւն, դ. Վերափոխում  
Ս. Աստուածածնի ե. Խաչվերաց 6. մեծ,  
յայտնեցաւ, Հովիք, աւետիս 7. Ծնաւ,  
Բերլեհէմ, օրհնեցէք, մարմացաւ,  
անբաւելին, խանձարուրս, մեկնելով, այրին  
8. Նախիջեան 9. չմկրտուած 10 Ս. Գրիգոր  
Լուսաւորիչ

Նախակրթարան Ա. Բ. Գ. անկիւն

1. գ. Ս. Վահան Գողթնացի 2. գ. Յունուար  
22 3. ա. Յունուար 6 4. ա. Յունուար 6-ի  
Ս. Պատարագէն ետք 5. ա. Յունուար 6 6.  
ա. Յունուար 6 7. բ. Ջուր 8. գ. Յովհաննէս  
Մկրտիչ 9. ա. Խթում 10. բ. Յունուար 5-ի  
երեկոյեան

Նախակրթարան Դ. Ե. Զ. անկիւն

1. 13 2. ոսկի, կնդրուկ, զմուռս 3. Հերովդէս  
4. ա. Օգոստոս բ. 8 ա. Ս. Ծնունդ 6.  
Աղանիի 7. Դուն ես իմ սիրելի Որդիս ,  
որուն ես հաճեցայ 8. բ. որ յայտնեցար վասն

### Եզակի գիրեր Հայերէն գիրերով Sudoku

է	ը	դ	բ	թ	ա	ե	զ	գ
զ	է	բ	ը	է	զ	դ	ա	թ
ա	զ	թ	ե	դ	զ	բ	ը	է
թ	դ	զ	զ	բ	ը	է	ե	ա
բ	ա	է	թ	զ	ե	զ	դ	ը
ը	զ	ե	դ	ա	է	թ	բ	զ
է	թ	ա	է	ը	բ	զ	զ	դ
դ	բ	ը	զ	զ	թ	ա	է	ե
զ	է	զ	ա	ե	դ	ը	թ	բ

բ		է		ը		զ	է	
		ը					ա	զ
			է	դ	թ			
զ			ը			ա	թ	դ
	ա		թ		է		է	
թ	բ	զ			ա			ը
			բ	է	է			
ա	զ					է		
	է	թ		ա		ը		զ

Նախորդ «Եզակի գիրեր»ուն լուծումը

Ամբողջացուր քառակուսիները, գործածելով ա, բ, գ, դ, է, զ, է, ը, թ գիրերը պայմանաւ  
որ միայն մէկ անգամ գործածես իւրաքանչիւր գիր իւրաքանչիւր

- . հորիզոնական գիծի վրայ
- . ուղղահայեաց գիծի վրայ եւ
- . ինեակ քառակուսիի մէջ:

Պալատականին Որդիին Բժշկութիւնը  
Յովհաննէս 4:43-54

Յիսուս Գալիլիայի Կանա քաղաքը եկաւ:

Պալատական մարդ մը կար, որուն որդին հիւանդ էր, Կափառնաումի մէջ:

Ճիշդ շարքով թուագրէ հետեւեալ տողերը, ապա զանոնք ընդօրինակէ էջին վարը:

- Տղաս շատ հիւանդ է, ի՞նչ կրնամ ընել:
- Ո՞ր ժամուն ապաքինեցաւ զաւակս:
- Տէր կ'աղաչեմ Կափառնաում եկուր, որդիս մահամերձ է:
- Աչքերովս տեսայ որ Յիսուս հրաշքներ գործեց. հիմա Կանայի մէջ է, եկէք դուք ալ տեսէք:
- Գնա՛, զաւակդ ողջ է:
- Տղադ առողջացաւ:
- Մինչեւ որ նշաններ եւ հրաշքներ չտեսնէք՝ պիտի չհաւատար:
- Ծառաներս: Արդեօք ի՞նչ լուր կը բերեն:
- Երէկ կէսօրէ ետք ժամը մէկ էր երբ տաքութիւնը գնաց:
- Ես Կանա պիտի երթամ եւ Յիսուսին հոս պիտի բերեմ: Զաւակիս միակ յոյսն է Ան:
- Այո, ճիշդ այն ժամուն որ Յիսուս ըսաւ, «Գնա՛, զաւակդ ողջ է»:

---



---



---



---



---



---



---



---

### Հաւատքի աստիճաններ

Աստիճաններուն վրայ կ'երեւի պալատականին աճող հաւատքը:  
Հետեւելով Յովհաննէս 4:43-54 ին, առջեւի բաժիններուն վրայ գրէ թէ ինչպէ՞ս  
պալատականը գործածեց իր հաւատքը:

ա. \_\_\_\_\_


1. Կը հաւատար որ Յիսուս կրնար բժշկել:

բ. \_\_\_\_\_

2. Հաւատաց Յիսուսի խոստումին:

գ. \_\_\_\_\_

3. Հաւատաց որ Յիսուս հրաշք կատարած է:



Յիսուս եւ Նիկողեմնոս  
Յովհաննէս 3:1-21

Խաչ մը դիր ճիշդ պատասխանին առջեւ:



1- Նիկողեմնոս անունով Փարիսեցի մարդ մը կար:

- . Ան աղքատ էր
- . Ան երիտասարդ էր
- . Ան Հրեայ իշխան էր



2 - Ուզեց Յիսուսի քով երթալ

- . Որոշեց գիշերով երթալ
- . Որոշեց նամակ մը գրել Յիսուսի
- . Որոշեց մոռնալ եւ չերթալ



3 - Երբ Յիսուսի մտիկ կ'ընէր


- . Ան քնացաւ
  - . հասկցաւ որ Աստուած չկայ
  - . հասկցաւ թէ Աստուած որչափ կը սիրէ զինք
- (Աստուած այնքան սիրեց աշխարհը որ մինչեւ իսկ իր միածին Որդին տուաւ: հ.16)

4 - Հասկցաւ նաեւ ...


- . Որ Յիսուս Աստուծոյ Որդին է
- . Որ Յիսուս ձկնորս է
- . Որ Յիսուս շատ ընկերներ ունի

5 - Երբ Նիկողեմնոս տուն գնաց ...

- . Մոռցաւ Յիսուսի ըսածը
- . Յիսուսի հետեւորդ եղաւ
- . Փարիսեցիներու հանդիպեցաւ



Ո՞րն է ճիշդ պատասխանը  
Մանկապարտեզի անկիւն



Յիսուսի տաճար  
ընծայումը  
«Տեառնընդառաջ  
Փետրուար 14»

Ամբողջացո՛ւր  
ըստ Ղուկաս 2.22-  
32-ի

Տիրոջ, նուիրուի,  
տատրակ, աղաւնիի,  
Միմն, Սուրբ Հոգին,  
Օծեալը, Յիսուսը,  
գոհաբանեց

Յովսէփն ու Մարիամը մանուկը Երուսաղէմ տարին -----  
ընծայելու համար որովհետեւ Տիրոջ Օրէնքին մէջ գրուած է. «Տիրոջ պէտք  
է ----- ամէն արու զաւակ, որ մօր առաջին զաւակն է». ինչպէս  
նաեւ Տիրոջ Օրէնքին համաձայն գոհ մատուցանելու գոյգ մը -----  
կամ ----- երկու ձագ:

Այդ ժամանակ Երուսաղէմի մէջ ----- անունով մարդ մը  
կ'ապրէր: Միմն արդար եւ աստուածավախ մարդ մըն էր, -----  
--- իրեն հետ էր եւ վստահեցուցած էր զինք՝ թէ Տիրոջ ----- չտեսած  
պիտի չսեռնէր: Արդ, Սուրբ Հոգիէն առաջնորդուած՝ անիկա տաճար գնաց:  
Երբ ծնողքը մանուկ ----- տաճար բերին, որպէսզի կատարեն  
այն ինչ որ Օրէնքը կը պահանջէր մանուկին համար, Միմն իր գիրկը  
առաւ փոքրիկը եւ ----- գԱստուած:

Ո՞րն է ճիշդ պատասխանը

Նախակրթարան Ա. Բ. եւ Գ. դասարաններու անկիւն

1.- Որո՞ւ տօնը այս տարի կը տօնենք  
Փետրուար 19ին.

- ա. Ս. Յովհաննէս Ոսկեբերան  
Հայրապետին
- բ. Ս. Աբգար Թագաւորին
- գ. Ս. Վահան Գողթնացիին
- դ. Սուրբ Սարգիսին

2.- Այս տարի ե՞րբ կը տօնենք Ս.  
Թադէոս Առաքեալի եւ Ս. Սանդուխտ  
Կոյսի յիշատակը.

- ա. Փետրուար 6
- բ. Փետրուար 12
- գ. Փետրուար 18
- դ. Փետրուար 24

3.- Այս տարի ե՞րբ կը տօնենք  
Յիսուսի տաճար նուիրուելու տօնը.

- ա. Փետրուար 12
- բ. Փետրուար 14
- գ. Փետրուար 16
- դ. Փետրուար 18

4.- 2012-ին ե՞րբ տեղի պիտի ունենայ  
Տեառնընդառաջը.

- ա. Փետրուար 30
- բ. Փետրուար 14
- գ. Փետրուար 29
- դ. Փետրուար 28

5.- 1999-ին ե՞րբ տօնեցինք Յիսուսի  
տաճար նուիրուելու տօնը.

- ա. Փետրուար 30
- բ. Փետրուար 14
- գ. Փետրուար 29
- դ. Փետրուար 28

6.- Այս տարի ե՞րբ կը տօնենք Սուրբ  
Սարգիսը.

- ա. Փետրուար 6
- բ. Փետրուար 19
- գ. Փետրուար 18
- դ. Փետրուար 24

7.- Բուն Պատարագի ընթացքին  
ողջոյն տուողը ի՞նչ կ'ըսէ.

Քրիստոս ի --- մեր -----:

8.- Բուն Պատարագի ընթացքին  
ողջոյն ստացողը ի՞նչ կ'ըսէ:

Օրհնեալ է -----

-----:

9.- Վարդանանցը ընդհանրապէս  
Սուրբ Սարգիսէն 12 օր ետք կ'ըլլայ:  
Այս տարի ե՞րբ է Վարդանանցը:  
(Սուրբ Սարգիսը Փետրուար 19-ին է,  
 $19 + 12 = ?$  , Փետրուարը քանի՞ օր է):

----- --

10.- Սուրբ Սարգիսին ձին ի՞նչ գոյն  
է:

-----

Ո՞րն է ճիշդ պատասխանը

Նախակրթարան Դ. Ե. եւ Ջ. դասարաններու անկիւն

1.- Որո՞ւ տօնը այս տարի կը տօնենք  
Փետրուար 5ին.

- ա. Ս. Գրիգոր Լուսաւորչի որդիներուն եւ թոռներուն
- բ. Ս. Աբգար թագաւորին
- գ. Ս. Վահան Գողթնացիին
- դ. Սուրբ Սարգիսին

2.- Այս տարի ե՞րբ կը տօնենք 12 մարգարէներուն տօնը.

- ա. Փետրուար 8
- բ. Փետրուար 16
- գ. Փետրուար 28
- դ. Փետրուար 24

3.- Այս տարի ե՞րբ կը տօնենք Տեառնընդառաջը.

- ա. Փետրուար 12
- բ. Փետրուար 14
- գ. Փետրուար 16
- դ. Փետրուար 18

4.- 2011-ին ե՞րբ պիտի տօնենք Ս. Ոսկեանց Քահանայից տօնը.

- ա. Փետրուար 27
- բ. Փետրուար 24
- գ. Փետրուար 29
- դ. Փետրուար 28

5.- Այս տարի ե՞րբ կը տօնենք Ոսկեանց Քահանայից տօնը.

- ա. Փետրուար 30
- բ. Փետրուար 14
- գ. Փետրուար 24
- դ. Փետրուար 28

6.- Ի՞նչ կը կոչուի Սուրբ Սարգիսի նախորդող 5 օրուայ պահքը.

Ա-----Գ Պահք

7.- Հին Կտակարանի ո՞ր մարգարէին գիրքը կը կարդացուի վերեւ յիշուած պահքին 5րդ (Ուրբաթ) օրը:

- ա. Աբդիայի,
- բ. Նաոււմի,
- գ. Ամբակոււմի,
- դ. Յովսանի:

8.- Երախայ ի՞նչ կը նշանակէ:

-----

9.- Վարդանանցը ընդհանրապէս Սուրբ Սարգիսէն 12 օր ետք կ'ըլլայ: Այս տարի ե՞րբ է Վարդանանցը: (Սուրբ Սարգիսը Փետրուար 19-ին է,  $19 + 12 = ?$ , Փետրուարը քանի՞ օր է):

----- --

10.- Տարուան ո՞ր չորս (4) օրերը ճաշու Աւետարան չի կարդացուիր.

- ա. Մեծ պահքին
- բ. Պգոտիկ պահքին
- գ. Առաջաւորաց պահքին
- դ. Տարուան բոլոր օրերուն ճաշու Աւետարան կը կարդացուի:

Ո՞րն է ճիշդ պատասխանը  
Երկրորդականի անկիւն

1.- Ի՞նչ էր այն ծերունիին անունը որ տաճարին մէջ Յիսուս մանուկին կը սպասէր Տեառնընդառաջին:

-----

2.- Սուրբ Սարգիսէն քանի՞ օր ետք Վարդանանց է.

- ա. 8
- բ. 16
- գ. 28
- դ. 12

3.- Սուրբ Սարգիսէն 7 օր ետք ո՞ր սուրբին տօնն է:

-----

4.- Վարդանանցէն 2 օր առաջ ի՞նչ կը տօնենք:

Սբ. -----

5.- Ո՞վ սահմանեց Առաջաւորաց պահքը:

Սբ. -----

6.- Ըստ հրէական օրէնքին, ո՞վ պէտք էր Տիրոջը նուիրուէր:

Ամէն ----- զաւակ, որ մօր ----- զաւակն է:

7.- Հայերու ո՞ր սուրբը կը համապատասխանէ Հիւսիս Ամերիկայի St. Valentineին: Այս տարի ե՞րբ կը տօնենք իր տօնը:

ա. Սբ. -----  
բ. Փետրուար --

8.- Երախայ ի՞նչ կը նշանակէ:

-----

9.- Ամբողջացո՛ւր էջ 11ի հարցումները:

- 1.-----
- 
- 2.-----
- 
- 3.-----
- 

10.- Ամբողջացո՛ւր սարկաւազին նախադասութիւնը, որ ազդանշան է Բուն Պատարագը սկսելու:

Մի -- երախայից -----  
-----  
-----  
-----